

Protesti za Gazu u Sarajevu Hiljade okupljenih uzvikivali parole podrške Palestini

03/06/2010 23:48 by Administrator

Mirnim protestom organizovanom u četvrtak u večernjim satima u centru Sarajeva još jednom je skrenuta pažnja javnosti na dešavanja u vezi sa izraelskim napadom na konvoj humanitarne pomoći namijenjene stanovništvu Gaze. Oko hiljadu, većinom mladih, državljana Republike Turske, Sirije i Palestine koji žive u BiH te bh. građana okupilo se ispred u Velikom parku, odakle su se kretali Titovom ulicom, Ferhadijom i Sarajima do "Sebilja" na Bašaraji, gdje je pročitano proglašenje kojim se osuđuje napad na humanitarni konvoj "Flota slobode" 31. maja.

Protestnici su nosili zastave BiH, Turske i Palestine, uzvikivali parole podrške palestinskom narodu te pozivali na osudu izraelskog ponašanja i hitno rješavanje palestinskog pitanja. Nosili su transparente na kojima su ispisane poruke koje pozivaju na pravdu, istinu i osudu dvostrukih standarda. Kako je Feni kazao predsjednik Udruženja Palestinska dijaspora BiH Naser Nabil, temeljne poruke mirnih protesta su: hitan prekid opsade Gaze, nepristrasna međunarodna istraga u vezi sa napadom na spomenuti konvoj, te urgentno rješavanje pitanja Palestinske države. "Mislim da je konačno vrijeme da stvari nazivamo pravim imenima. Zlo je zlo, sa bilo koje strane da je došlo i nad bilo kim da je izvršeno", kazao je Nabil. Spomenuti proglašenje potpisali su u srijedu u Sarajevu predstavnici udruženja "Palestinska dijaspora BiH", "Svitanje", "Mladi muslimani", "Nahla", "Sirijaska dijaspora BiH", "Udruženja bh.-palestinsko prijateljstvo", Udruženja boraca "Gazi Husrev-beg", "Istanbul edukaciono-kulturni centar", Zbora turskih studenata, Asocijacije Mladih SDA te Fonda Bošnjaci. Proglašenjem se pozivaju svi ljudi dobre volje da se suprotstave zlu, ma sa koje strane ono dolazilo. Mirni protesti propraćeni su potpisivanjem peticije za prekid opsade Gaze koje će trajati do 5. juna.

Izvor vijesti: 24sata.info

Â